

- undique confluentibus, tot usus praestant universi libri sacri  
 47. theologo prudenti. In ipso opere momentum tibi sit, at  
 nunquam in eius praemiis. Noli ad opera praemiis impelli,  
 48. nec otii ambitiosus esto. In devotione perstans opera per-  
 fice, ambitione seposita, o contemtor opum, in eventu pro-  
 spero vel improspero aequabilis; aequabilitas devotio dici-  
 49. tur. Longe sane inferiora sunt opera devotione mentis, o  
 contemtor opum. In mente tua praesidium quaere. Miseri,  
 50. qui praemiis ad opera impelluntur. Mente devotus in hoc  
 aevo utraque dimittit, bene et male facta. Quare devotioni  
 51. te devove: devotio dexteritatem in operibus praebet. Mente  
 devoti, praemio operibus parto abiecto, sapientes, genera-  
 tionum vinculis exsoluti, ingrediuntur viam summae salu-  
 52. tis. Quando mens tua praestigiarum ambages exsupera-  
 verit, tunc pervenies ad ignorantiam omnium, quae de do-  
 53. ctrina sacra disputari possunt vel disputata sunt. Subtili-  
 tatum theologicarum incuriosa quando mens tua immota  
 steterit, firmaque in contemplatione, tunc devotio tibi ob-  
 tinget.

ARJUNAS *loquitur*:

54. Qualis est sermo viri confirmati in sapientia, ac assidui  
 in contemplatione, o Krishna? In meditando defixus quo-  
 modo loqui, quomodo quiescere ac circa negotia versari  
 solet?

ALMUM NUMEN *loquitur*:

55. Quando relinquit cupiditates omnes, quae animum affi-  
 ciunt, secum semet ipso contentus, tunc confirmatus in sa-  
 56. pientia dicitur. In molestiis animo imperturbatus, volup-